



**T**Heodo filius fuit Theodonis secundi ducis Boiorum, qui genti suæ pacem peperit & longinquæ peregrinationi finem fecit. Cum itaque Theodo & fratres parentis funeri ritu patrio iusta absoluisent, ipsi Boioariam armis à parēte acquisitam inter se diuiserunt. Theodo, qui & ætate & uirtute alios superabat, Nariscos, Reginoburgium & ea loca, quæ inferiorem Bauariam dicunt, inter Oenum & Danubium possedit. Theodoualda Pisonium & Athesinos montes accepit. Vtto Laureacum & Noricum Ripense obtinuit, ab eo pontes Oeni restaurati Vtinum dicti sunt, quos hodie Otingā uocamus. Eo tempore Theo-

dobertus Theodorici filius Francis imperabat. is huic Theodoni filiam suam Reginotrudam uxorem obtulit, atq; S. Ruperto in mandatis dedit, ut Boijs magna diligentia Christum prædicaret. Itaque Rupertus cum duodecim Symyrtis Reginoburgum profectus, Theodonem & eius familiam in uera religione instituit, atque uanam gentium superstitionem confutauit. Hinc factum ut exploso idolorum cultu Boij ueram Christianorum doctrinam amplecterentur.